

# BESTELAKO XEDAPENAK

## KULTURA SAILA

### 5184

*AGINDUA, 2011ko urriaren 26koa, Kulturako sailburuarena, zinema-aretoak digitalizatzeko laguntzak arautzen dituena.*

Ikus-entzunezko alorrean garatzen diren jarduera artistiko eta kulturalak sustatzeko, sendotzeko eta zabaltzeko eskumenak Kultura Sailari dagozkio, horixe xedatzen baita Euskal Autonomia Erkidegoaren Administrazioiko sailak sortu, ezabatu eta aldatu eta horien egitekoak eta jardun-arloak finkatzen dituen 4/2009 Dekretuan (uztailaren 30eko 20/2009 Dekretuaren bidez aldatua) eta Kultura Sailaren egitura organikoa ezartzen duen martxoaren 22ko 45/2011 Dekretuan.

Zineari buruzko abenduaren 28ko 55/2007 Legeak 29. artikuluan dio ezen, erakusketaren sektorean teknologiaren modernizatzea sustatzeko eta errazteko, laguntzak eman ahal izango zaizkiela erakusketa-areto independenteei, autonomia erkidegoekin elkarlanean, bereziki proiektzio digitalerako sistemak ezartzeari begira.

Kultura Sailak hitzarmen bat sinatu du Kultura Ministerioarekin, Zineari buruzko abenduaren 28ko 55/2007 Legearen 29. artikuluan aurreikusitako laguntzei aplikagarriak zaizkien baldintza eta konpromisoak ezartzeari begira zinema-aretoetarako laguntza emateko.

Alde horretatik, Kultura Sustatzeko Zuzendaritzari jardun-arlotzat aitortzen zaizkion eskumenen barruan, interesgarritzat jo da erakusketaren sektorean teknologia modernizatzeko laguntzak ezartzea, bereziki proiektzio digitalerako sistemak ezartzeari begira.

Ondorioz, hauxe

EBATZI DUT:

I. KAPITULUA

ARAU OROKORRAK

1. artikulua.– Xedea.

1.– Agindu honen xedea da 2011ko urtealdian zinema-aretoetan proiektzio digitalerako sistemak ezartzeko laguntzak emateko deialdia egitea eta horretarako baldintzak ezartzea.

2.– Agindu honen ondorioetarako, eta ikus-entzuleek kultura-ekoizpenaren dibertsitatea eskura izateko helburuz, digitalizaziorako laguntza hauek zinema-aretoek egiten duten programazioaren arabera emango dira.

3.– Agindu honen ondorioetarako, areto digitalizatutzat hartuko dira, 2011ko abenduaren 31n proiektzio digitala emateko gauza diren aretoak.

2. artikulua.– Laguntza-modalitateak.

Laguntza-modalitateak honakoak dira:

2011ko urriaren 27a, osteguna

1.– Gehienez bost pantaila dituzten eta urteko programazioaren % 40a baino gehiago, Europako Batasuneko edo Iberoamerikako film luze eta laburrekin betetzen dituzten zinema-aretoetarako laguntzak.

2.– Gehienez bost pantaila dituzten eta urteko programazioaren % 35etik gora eta gehienez % 40a, Europako Batasuneko edo Iberoamerikako film luze eta laburrekin betetzen dituzten zinema-aretoetarako laguntzak.

3.– Bost pantaila baino gehiago dituzten eta urteko programazioaren % 50a, gutxienez, Europako Batasuneko edo Iberoamerikako film luze eta laburrekin betetzen dituzten zinema-aretoetarako laguntzak.

### 3. artikulua.– Onuradunak.

1.– Laguntzak jaso ahal izateko, zinema-erakusketarako aretoen titularrek honako baldintza hauek bete beharko dituzte: aretoa Euskadiko Autonomia Erkidegoan finkatuta egotea eta 2011ko abenduaren 31n proiektzio digitala emateko gauza izatea; toki berean eta enpresa-izen berean kokatutako pantaila bat edo gehiago (laguntza-modalitatearen arabera) edukitzea. Gainera, areto hauek, Agindu hau argitaratu baino gutxienez sei hilabete aurretik publikoari irekita egon beharko dute; leihatila eta diru-sarreraren deklaraziorako sistema bat izan beharko dute, eta Kultura Ministerioaren Zine eta Ikus-entzunezko Arteen Institutuko zinema-aretoen erregistroan (ICAA) izena emanda egon beharko dira.

Dena den, laguntza jaso ahal izateko, zinema-aretoek Europako Batasuneko edo Iberoamerikako film luze eta laburrak sartu behar dituzte beren programazioan, % 35eko proportzioan gutxienez eta 2. artikuluan adierazitako modalitate bakoitzarekin bat, 2010eko uztailaren 1etik 2011ko ekainaren 30era bitartean. Lehentasuna izango dute euskaraz eta jatorrizko bertsioan ematen diren emanaldiek.

Agindu honen ondorioetarako, europar filmatza hartuko dira MEDIA programan parte hartzen duten estatuetan finkaturiko konpainietan nagusiki ekoiztitakoak, eta iberoamerikar filmatza Iberoamerikako estatuetan finkaturiko konpainietan nagusiki ekoiztitakoak.

Gainera, Agindu honen ondorioetarako, zinema-aretoen programazioari dagokionez, filmak bi urte baino berriagoak izango dira, jatorrizko herrialdean estreinatu zirenetik. Deialdi honetatik kanpo geratuko dira publizitate-filmak, pornografikoak, eta arrazismoaren edo indarkeriaren apologia egiten dutenak.

2.– Ezingo dute deialdi honetako diru-laguntzarik eskatu laguntza publikoak lortzeko zigor administratibo edo penalik dutenek, ezta ere horretarako gaitasuna kentzen dien legezko debekurik dutenek ere. Halaber, ezingo dute diru-laguntzarik eskatu sexu-bereizkeria dela-eta zigor administratibo edo penalik duten erakundeek, Emakumeen eta Gizonen berdintasunerako 4/2005 Legearen azken xedapenetatik seigarrenaren indarrez.

3.– Nolanahi ere, Euskal Herriko Ogasun Orokorreko Antolarauei buruzko Legearen Testu Bateginak onesten duen azaroaren 11ko 1/1997 Legegintzako Dekretuko 50.4 artikuluekin bat etorritik, onuradunei diru-laguntzak eta laguntzak eman eta, hala badagokio, ordaintzeko, Euskal Autonomia Erkidegoko Administrazio Orokorra eta hauen erakunde autonomiadunek ematen dituzten izaera bereko laguntza edo diru-laguntzen arloan hasi eta oraindik ere izapidean den itzultze- edo zehapen-prozedura orok amaituta beharko du.

4. artikulua.– Diru-laguntza jaso dezaketen gastuak.

Diruz laguntzeko gastutzat hartuko dira proiektio digitalerako ekipoak erosteko eta instalatzeko gastuak. Zinema-aretoak digitalizatzeko laguntza hauek ezingo dute gainditu proiektio digitalerako ekipoak erosteko eta instalatzeko gastuen % 50a.

5. artikulua.– Laguntzen zuzkidura.

1.– Deialdian ezarritako laguntzen gehieneko zuzkidura, guztira laurehun eta berrogei mila (440.000) eurokoa da.

2.– Gehienez bost pantaila dituzten eta urteko programazioan % 40a baino gehiago, Europako Batasuneko edo Iberoamerikako film luze eta laburrak sartzen dituzten aretoetarako modalitatean, berrehun eta hoge mila (220.000) euro erabiliko dira.

3.– Deialdi honetako beste bi modalitateetan, berrehun eta hoge mila (220.000) euro erabiliko dira.

6. artikulua.– Laguntzak kudeatuko dituen organoa.

Kultura Saileko Kultura Sustatzeko Zuzendaritzari dagokio deialdi honen bidez emango diren diru-laguntzak kudeatzeko lanak egitea.

7. artikulua.– Eskariak, epeak eta aurkeztu beharreko agiriak.

1.– Eskariak aurkezteko epea hamabost egun naturalekoa izango da, agindu hau EHAAan argitaratu eta hurrengo egunetik zenbatzen hasita.

2.– Eskabide horiek Kultura, Gazteria eta Kiroletako sailburuordeari zuzenduta egongo dira eta deialdiaren eranskinetan eskatzen diren agiriekin batera aurkeztuko dira, zuzenean Eusko Jaurlaritzako Kultura Saileko Kultura Sustatzeko Zuzendaritzan (Donostia kalea 1, 01010 Vitoria-Gasteiz; Kale Nagusia 85-behea, 48011 Bilbao; Andia kalea 13-behea, 2004 Donostia-San Sebastián) nahiz Herri Administrazioen Araubide Juridikoari eta Administrazio Prozedura Erkideari buruzko azaroaren 26ko 30/1992 Legean ezarritako bitartekoetako bat erabiliz.

3.– Aurkeztutako dokumentazioa aztertu ondoren, ikusten bada eskabidea onartzeko eskatzen diren dokumenturen bat falta dela edo forma-akatsak daudela, edo balorazioa egiteko aurkeztu diren dokumentuetan akatsak daudela, hamar egun balioduneko epea emango zaio interesdunari akatsa zuzentzeko edo aurkeztu beharreko agiriak aurkezteko. Era berean, ohartarazi egingo zaio ezen, epe hori igaro eta zuzenketarik egin ez bada, eskabidean atzera egin duela ulertuko dela, aurrez jakinaraziko zaion ebazpen baten bidez, edo dagokion izapidea egiteko eskubidea galduko duela.

4.– Eskabideak aurkezteak deialdi honetako oinarriak definitzen dituzten baldintzak espresuki eta formalki onartu direla adierazten du.

8. artikulua.– Laguntzen zenbatekoa.

a) Urtean 200 egunetik 365 egunera funtzionatzen duten aretoentzako, gutxienez 200 emanaldi urteko eta areto bakoitzeko programatzen batituzte:

– Pantaila bat edo bi dituzten aretoei: gutxienez 9.800 euroko ordainketa, digitalean proiektatzeko moduko pantaila bakoitzeko.

– Hiru pantaila, lau edo bost dituzten aretoei: gutxienez 9.800 euroko ordainketa pantaila bakoitzeko, hiru pantaila arte, baldin eta digitalean gutxienez hiru pantailatan proiektatzea baldin badago.

b) Urtean 199 egunez gehienez funtzionatzen duten aretoentzako, gutxienez 100 emanaldi urteko eta areto bakoitzeko programatzen batituzte:

– Pantaila bat edo bi dituzten aretoei: gutxienez 4.900 euroko ordainketa, digitalean proiektatzeko moduko pantaila bakoitzeko.

– Hiru pantaila, lau edo bost dituzten aretoei: gutxienez 4.900 euroko ordainketa pantaila bakoitzeko, hiru pantaila arte, baldin eta digitalean gutxienez hiru pantailatan proiektatzea baldin badago.

Bestalde, bost pantaila baino gehiago dituzten aretoei zuzendutako laguntza bat ezarriko da, ordainketa finko eta bakarra urtean, 5.000 eurokoa pantaila bakoitzeko, hiru pantaila arte, baldin eta digitalean gutxienez hiru pantailatan proiektatzea baldin badago. Baldin eta areto hauek, urteko programazioan gutxienez % 50ean Europako Batasuneko edo Iberoamerikako film luze eta laburrak sartzen badituzte.

Diru-kopuruak handitu ahal izango dira, Euskal Autonomi Erkidegoak antolaturiko laguntza-deialdiari jotzen duten eta baldintzak betetzen dituzten eskatzaileen kopuruaren ondorioz erabilgarri dagoen aurrekontuaren arabera.

Diru-laguntzaren zenbatekoa zehazteko, zinema-areto bakoitzak balorazio-irizpideak aplikatu eta gero lorturiko portzentaia hartuko da kontuan.

VPFan (Virtual Print Fee) oinarritutako finantzaketa-ereduaren arabera, banatzaileek iraupen luzeko akordioak sinatzen dituzte bitartekariekin («integratzaile» izena hartzen baitute), eta integratzaile horiek zinema-ekipo digitalaren erosketan finantzatzen dute eta banatzaileen ekarpena jasotzen dute, erakusleen izenean finantzatu duten ekipoaren ordainetan. Horregatik, laguntza hauen onuradun diren erakusleek jasoko dituzten diru-kopuruak ezingo zaizkio banatzaileari egotzi VPF moduan; alegia, erakuslearentzat inbertsio-kostu txikiagoak kostu txikiagoa ekarri behar dio banatzaileari ere, bere gain hartzen duen VPFari dagokionez.

#### 9. artikulua.– Balorazio-irizpideak.

1.– Diru-laguntzak banatzeko, 2. artikuluko 1. eta 2. modalitateetan, zinema-aretoek, 2010eko uztailaren 1etik 2011ko ekainaren 30era bitartean programatutako Europako Batasuneko edo Iberoamerikako film luze eta laburren proportzioa, kontuan hartuko da.

Zinema-aretoek, jatorrizko bertsioan eta euskaraz programatutako Europako Batasuneko edo Iberoamerikako film luze eta laburrak ere baloratuko dira. Horrela, goiko paragrafoan lortutako proportzioari hurrengo hau gehituko zaio:

– % 1a, jatorrizko bertsioan Europako Batasuneko edo Iberoamerikako filmen, gutxienez 1 eta gehienez 20 emanaldi programatzen badira.

– % 3a, jatorrizko bertsioan Europako Batasuneko edo Iberoamerikako filmen, gutxienez 21 emanaldi eta gehienez 50 emanaldi programatzen badira.

– % 5a, jatorrizko bertsioan Europako Batasuneko edo Iberoamerikako filmen, gutxienez 51 emanaldi eta gehienez 150 emanaldi programatzen badira.

– % 8a, jatorrizko bertsoan Europako Batasuneko edo Iberoamerikako filmen 150 emanaldi baino gehiago programatzen badira.

Ondorengo ere gehituko zaio.

– % 5a euskarazko filmen, gutxienez 1 eta gehienez 10 emanaldi programatzen badira.

– % 8a euskarazko filmen, gutxienez 11 emanaldi eta gehienez 20 emanaldi programatzen badira.

– % 10a euskarazko filmen 20 emanaldi baino gehiago programatzen badira.

2.– Hirugarren modalitatean banatzeko diru-laguntza finkoa da, hori dela eta, modalitate honetan ez dira jatorrizko bertsoan eta euskaraz programatutako Europako Batasuneko edo Iberoamerikako film luze eta laburrak baloratuko.

10. artikulua.– Ebazpena eta jakinarazpena.

1.– Deialdi honetako laguntzak esleitzeko ebazpena Kultura, Gazteria eta Kiroletako sailburuordeak emango du, eta interesdunei jakinarazi, sei hilabeteko epean deialdia argitaratzen denetik aurrera kontatuta.

2.– Ebazpena esleipendunei jakinarazteaz gainera, Euskal Herriko Agintaritzaren Aldizkarian argitaratuko da, denek horren berri izan dezaten.

Ebazteko epea igarota interesatuari ebazpena jakinarazten ez bazaio, dagokion eskabidea ezetsi egin dela ulertuko da, Herri Administrazioen Araubide Juridikoari eta Administrazio Prozedura Erkideari buruzko azaroaren 26ko 30/1992 Legearen 44.1 artikuluan ezarritakoaren ondorioetarako. Horrek ez du Administrazioa salbuesten, ordea, ebazpen adierazia emateko duen obligaziotik.

11. artikulua.– Bateragarritasuna.

1.– Deialdi honen kargura ematen diren diru-laguntzak bateragarriak dira beste edozein erakundek xede berberarekin eman ditzakeenekin, betiere diru-laguntza jasotzen duen jardueraren guztizko finantzaketa gainditzen ez bada.

2.– Finantzaketa gainditzen bada, deialdi honetan emandako diru-laguntzaren zenbatekoa murriztu egingo da dagokion mugaraino.

12. artikulua.– Laguntzaren ordainketa.

1.– Diru-laguntzak ordainketa bakar batean emango dira, egindako jarduera 13. artikuluan jasotzen denaren arabera gauzatu dela behar bezala justifikatu ondoren.

13. artikulua.– Justifikazioa eta likidazioa.

1.– Agindu honetako diru-laguntzen onuradunek jarraian aipatzen diren agiriak aurkeztu beharko dituzte 2011ko abenduaren 31 baino lehen:

a) Diruz lagundutako proiektuan garatutako jarduerari buruzko azalpen-txostena.

b) Egindako jarduerak sortu dituzten gastuak justifikatzen dituzten faktura jatorrizkoak edo beroien kopia konpultsatuak.

c) Onuradunak zerga-betebeharrak egunean dituela egiaztatzen duen dokumentazioa.

2011ko urriaren 27a, osteguna

d) Helburu berarekin eskuratutako beste laguntzen zerrenda.

2.– Diru-laguntza justifikatzeko bidalitako agiriak aztertu ondoren, dena delako zioarengatik gainfinantzaketarik egonez gero, hasieran onartutako laguntza gutxitu edo erabat deuseztatzen bada, Kultura, Gazteria eta Kiroletako sailburuordeak banakako likidazioaren ebazpena emango du, justifikagiriak aurkezteko epea bukatu eta bi hilabeteko epean.

14. artikulua.– Onuradunen betebeharrak.

Agindu honetan araututako laguntzak jasotzen dituztenek betebeharrak hauek izango dituzte:

a) Emandako diru-laguntza onartzea. Alde horretatik, diru-laguntza eman dela adierazten duen jakinarazpena jaso eta hamabost egun balioduneko epean pertsona onuradunek berariaz uko egiten ez badiote, laguntza onartutzat emango da.

b) Diru-laguntzari eman zaion xede horretarako erabiltzea.

c) Ogasun eta Herri Administrazio Saileko Kontrol Ekonomikoko Bulegoari eta Herri Kontuen Euskal Epaitegiari diru-laguntzen fiskalizazio-lanetan behar duten informazio guztia ematea.

d) Diruz lagundutako proiektua deialdirako aurkeztu diren baldintzetan garatzea. Hori guztia gorabehera, aldaketak ere egin ahal izango dira, baldin eta hauek funtsezkoak ez badira. Aldaketa horiek idatziz jakinaraziko zaizkio Kultura, Gazteria eta Kiroletako sailburuordeari eta hark, jakinarazpena jasotzen duen egunetik hamabost egun balioduneko epea izango du horiek onartu edo gaitzesteko. Epea inolako jakinarazpenik gabe igaroz gero, aurkeztu den aldaketa onartu dela ulertuko da.

e) Laguntza ematen duen organoari Estatuko nahiz mundu mailako beste administrazio edo erakunde publiko edo pribatuek xede bererako ematen dituzten bestelako laguntza edo diru-laguntzak jasotzen diren jakinaraztea.

f) Euskal Autonomia Erkidegoko Aurrekontu Orokorren kargurako diren laguntza eta diru-laguntzak jaso ahal izateko ezartzen diren betebeharrak eta baldintzak.

15. artikulua.– Ez-betetzeak.

1.– Hauek izango dira ez-betetzeak:

a) Jasotako laguntzak, osorik zein zatika, agindu honetan adierazi bezala onartutako jardueretarako erabili beharrean, beste zerbaitetarako erabiltzea.

b) Eskatutako gastu-faktura guztiak ez aurkeztea.

c) Agindu honetan ezarritako betebeharrak edo, hala badagokio, laguntza ematerakoan ezartzen direnak ez betetzea.

d) Hala badagokio, diru-laguntzaren likidazio-ebazpenean zehaztutako diru-kopurua ez itzultzea, horretarako emandako epearen barruan.

e) Aurkeztutako proiektuan Kultura, Gazteria eta Kiroletako sailburuordeak baimendu gabeko aldaketaren bat egitea.

f) Xedapen orokorretan nahitaez bete beharrekotzat jotako beste edozer ez betetzea.

2.– Ez betetzeren bat gertatuz gero, jasotako zenbatekoak eta legezko interesak Euskal Autonomia Erkidegoko Diruzaintza Nagusiari itzuli beharko zaizkio, betiere, azaroaren 11ko 1/1997

2011ko urriaren 27a, osteguna

Legegintzako Dekretuaren eta abenduaren 17ko 689/1991 Dekretuaren arabera (hurrenez hurren, Euskal Autonomia Erkidegoko Herriogasuntza Nagusiaren Antolarauei buruzko Legearen Testu Bategina onartzen duen azaroaren 11ko 1/1997 Legegintzako Dekretua eta Euskal Autonomia Erkidegoaren aurrekontu orokorren pentzutan ematen diren diru-laguntzen bermeei eta horiek itzultzeari buruzko erregimen orokorra arautzen duen abenduaren 17ko 698/1991 Dekretua).

#### XEDAPEN GEHIGARRIAK

Lehenengoa.– Agindu honetan araututako diru-laguntzen programa Batzordearen 2006ko abenduaren 15eko 1998/2006 araudian ezarritako minimis arauaren mendean dago (araudi hori Tratatu 107. eta 108. artikulua minimis laguntzei aplikatzeari buruzkoa da, eta Europako Erkidegoen Aldizkari Ofizialean 2006-12-28an argitaratu zen: L379/5). Ondorioz, Kultura Sailak beharrezkoak diren mekanismoak jarriko ditu abian bermatzeko enpresa jakin bati emandako laguntza osoa ez dela izango 200.000 eurotik gorakoa edozein alditako hiru ekitaldi fiskaletan.

#### AZKEN XEDAPENAK

Lehenengoa.– Agindu honen aurka, aukerako berraztertze-errekurtsoa aurkeztu ahal izango zaio Kulturako sailburuari, hilabeteko epean, argitaratu eta hurrengo egunetik aurrera. Bestela, administrazioarekiko auzi-errekurtsoa aurkeztu ahal izango da Euskal Autonomia Erkidegoko Auzitegi Nagusiko jurisdikzio horretako salan, bi hilabeteko epean, argitaratu eta hurrengo egunetik aurrera.

Bigarrena.– Agindu honek Euskal Herriko Agintaritzaren Aldizkarian argitaratu eta hurrengo egunean sortuko ditu ondorioak.

Vitoria-Gasteiz, 2011ko urriaren 26a.

Kulturako sailburua,  
MARÍA BLANCA URGELL LÁZARO.

2011ko urriaren 27a, osteguna

**I. ERANSKINA****ZINEMA-ARETOAK DIGITALIZATZEKO  
LAGUNTZA ESKABIDEA****PERTSONA FISIKO EDO JURIDIKOAREN DATUAK**

Pertsona fisiko edo juridikoaren izena: .....

Helbidea: .....

P.K.: .. Herria:.....

☎..... Faxa: .....

E-maila: .....

Web orria: .....

**Modalitatea:**

- Gehienez bost pantaila dituzten aretoak.
- Bost pantaila baino gehiago dituzten aretoak.

**JARDUERARI BURUZKO DATUAK**

Zinema-aretoa:	
Helbidea:	
Emanaldi kopurua:	
Europar Erkidegoko filmen emanaldi kopurua:	
Filmek emanaldi kopurua euskaraz:	
Europar Erkidegoko filmen emanaldi kopurua jatorrizko bertsoan:	
Iberoamerikako filmek emanaldi kopurua:	

**BANKETXE EDO AURREZKI ENTITATEAREN DATUAK**Banketxea edo Aurrezki Entitatea: Agentzia: K.D.: Kontu zk.:.....

Jabea: .....

ESKATZEN DUEN PERTSONA/ERAKUNDEAK AURKEZTU BEHARREKO AGIRIAK:

2011ko urriaren 27a, osteguna

I.– Pertsona edo erakunde horren agiriak.

A) Pertsona fisikoak badira:

 NANaren fotokopia

B) Pertsona juridikoak badira:

 Pertsona juridikoaren eraketa-eskritura eta estatutuak, baita erakundea dagozkion Erregistro Publikoetan izen-ematearen ziurtagiria ere. Zinema-erakusketarako aretoaren titularitatea justifikatzen duen agiria. Legezko ordezkariaren NANaren fotokopia, eta ordezkaria dela frogatzen duen boterearen froga.

C) Bai pertsona fisikoek bai juridikoek aurkeztu beharreko agiriak

 Aurreko bi urteetan eta indarrean dagoen urtean jasotako minimis motako edozein laguntzari buruzko deklarazioa. Pertsona eskatzaileak sinatutako zinpeko adierazpena, egiaztatzen duena erakundeak ez duela laguntza publikoak lortzeko zigor administratibo edo penalik, ezta ere horretarako gaitasuna kentzen dion legezko debekurik ere, sexu-bereizkeria dela-eta gertatu direnak barne, Emakumeen eta Gizonen berdintasunerako 4/2005 Legearen seigarren xedapen gehigarrian xedatutakoaren indarrez. Dagozkien zergak ordaindu dituztela frogatzen duen ziurtagiria. (1) Jarduera ekonomikoen zergari dagokion epigrafean altan egotearen ziurtagiria. Euskal Autonomia Erkidegoan bizilekua edo egoitza soziala duenaren ziurtagiria. Zinema-aretoa Euskadiko Autonomia Erkidegoan finkatuta dagoela egiaztatzen duen agiria. Enpresa eskatzailearen txostena, 2010eko uztailaren 1etik 2011eko ekainaren 30ra bitartean erakutsitako filmei buruz, honakoak jasoko dituen: titulua, nazionalitatea, ekoizpen-urtea, jatorrizko herrialdean estreinatu den urtea, banatzailea, emanaldi-epaia eta kostua (BEZa gabe). Proiektu berarentzat beste laguntza batzuk eskatu edota jaso badira zinpeko aitortpena aurkeztu, baita laguntzen zenbatekoa zehaztu ere. 2010eko uztailaren 1etik 2011ko ekainaren 30era bitartean emandako programazioari dagokion, ICAARA bidalitako emanaldi-txostenaren kopia. Ordainketak igortzeko, II. edo III. eranskinak betetzea.**OHARRA:**

Eusko Jaurlaritzako Kultura Sustatzeko Zuzendaritzak ondokoa adierazi nahi dizu: eranskin honetan jarri dituzun datu pertsonalak, Datu pertsonalak babesteko 15/1999 Lege Organikopean dagoen fitxategi automatizatu batean sartuko ditugu, ondoren, erabili ahal izateko.

Fitxategiko datuak ez zaizkio beste inori lagako. Fitxategia Eusko Jaurlaritzaren Kultura Sailak erabiliko du, bakarrik, berak sustatutako diru-laguntzak kudeatzeko.

Aipatutako Lege horretan jasotzen den moduan, datuok ikusi, zuzendu edo ezabatu nahi dituzula edo ez dituzula jarri nahi adierazteko, honako helbide honetara idatzi beharko duzu: Kultura Saileko Zerbitzu Zuzendaritza, Donostia-San Sebastián kalea 1, 01010 Vitoria-Gasteiz.

.....(e)n, 2011eko .....aren .....(e)(a)n

Sinadura (2):

**AURKEZTU BEHARREKO AGIRIETI BURUZKO OHARRAK.***(1) Zergak ordaindu direla frogatzen duen ziurtagiria.**Organo eskudunak emandakoa. Horrek ematetik eskabidea aurkeztu arte, gehienez sei hilabete igaro ahal izango dira.**(2) Sinadura:**Eskabide-orria sinatzen duena erakundearen legezko ordezkaria bera izango da.*



**III. ERANSKINA****HIRUGARRENAREN DATUETAN ALDAKETA(K) SARTZEKO ESKABIDE-ORRIA (\*)**

## HIRUGARRENA IDENTIFIKATZEKO DATUAK

IFZ edo NAN /.....3.aren kodigoa (1): .....

Entitatearen izendapena edo izen-  
deiturak.....

## ALDAKETA (2)

## A.- HELBIDERATZE-DATUAK

Helbidea:.....

Posta-Kodea : ..... Udala: .....

Lurraldea: .....

## B.- BANKUAREN DATUAK/DATOS BANCARIOS (3)

Banketxea edo Aurrezki  
Entitatea.....

Agentzia: .....

K.D.: .....

Kontu zenbakia: .....

Jabea .....

Data:

Sinadura

(\*) Eusko Jaurlaritzatik inoiz dirulaguntzaren bat jaso badute ere, helbideratze edota banketxeko datuetan aldaketaren bat sartu nahi dutenek bete beharreko inprimakia.

## Argibideak:

(1) Administrazioak bete beharrekoa.

(2) Aldaturiko kontzeptua(k) baino ez da/dira adierazi behar.

(3) Kasu honetan, honako dokumentazio osagarri hau erantsi beharko zaio eskabide-orriari.:

a) Proposatzen den aldaketarako arrazoia.

b) Ordainketarako jakinarazitako kontu korronea egon badagoela eta beraren titularra adierazitakoa bera dela ziurtatzen dituen banku edo aurrezki-entitate batek emandako agiria.

OGASUN ETA HERRI ADMINISTRAZIO SAILEKO EKONOMI KONTROLERAKO BULEGOKO KONTABILITATE ZERBITZUA